

Ein Sendbrieff/

N. Mesquillij von dem tode Pauli
des dritten Babsts dieses nas
mens/Stem

Was ihm nach seinem tode
begegnet ist.

Mit zweien Vorreden.

Roma. I.

Darumb das sie Gottes warheit haben verwan
del in die lügen/vnd haben gehret vnd gedienet dem ge
schepffe/mehr denn dem schepffer/der da gelobet ist in
ewigkeit/Amen.Darumb hat sie Got auch dahin gegeben
in schendliche löste.Das sie habé verlassen den natürliche
brauch des weibes/vnd sind an ein ander erhiget in ihren
lüssen/vnd haben man mit man schande gewircket / vnd
sind auch sonst in allerley sünd vnd laster gerathen / vnd
haben den lohn ihres irthums (wie es denn sein solte)
an ihnen selbs empfangen.

Handbuch

Handbuch der Naturgeschichte

von Johann Friedrich Gmelin

in drei Theilen

der ersten Theil

der zweiten Theil

der dritten Theil

Handbuch der Naturgeschichte
der ersten Theil
der zweiten Theil
der dritten Theil
Handbuch der Naturgeschichte
der ersten Theil
der zweiten Theil
der dritten Theil
Handbuch der Naturgeschichte
der ersten Theil
der zweiten Theil
der dritten Theil

Dem Christlichen le- ser/bestendigkeit in der erkantē war- heit Ihesu Christi/ Matth. Fla. Jlyr.

Ein lieber Leser / du woltest dir dis
Büchlein lassen befohlen sein / vnd
vleißig lesen / so wirstu sehen vnd
finden / was der Römische hoff / die
schand Cardinel / vns für Bischoff
vnd Pöbste gegeben haben / die vns den Dimel
öffnen vnd zuschliessen / die Sünde vergeben / Ab-
las vnd Gottes gewalt vns verkaufen sollen / die
doch (wie du sehen / hören / vnd lesen wirst) selbst
nicht glauben / das ein Gott vnd leben nach die-
sem leben sey / Vnd sich gleichwol rühmen / das sie
die Kirche vnd Statthalter Christi sein / Welche
auch die welt des Teuffels braut dafür helt / ja sie
handhabt / schützet vnd vertediget. Darumb sey
klug vnd vorsichtig wie die schlangen / vnd einfeltig
wie die Tauben / Sihe dich wol für / was du
glenbest / ob es Gottes wort vnd dem glauben
gemes sey. Aber widder Gottes Wort sperre dich
nicht / glaub es einfeltig was Gott mit dir redet
durchs Euangelion / vnd durch seine Aposteln vñ
prediger sagen vnd verkündigen leisset / Frage nicht
nach zeichē / wie die Iudē / auch nicht nach weis-
heit / wie die Griechen / welche on grund vnd vr-
sach menschlicher weisheit nichts glauben wolte /
(indurch)

sonder halt still, höre vnd glaube gewis vnd feste/
was Gott in der heiligen schrift mit dir reder/so
wirstu inn den vnglauben nicht fallen/darinn
Babst vnd Cardinel bis vber die oren stecken/vnd
ersoffen sind. denn Babst Clemens / als er jet
hat wollen sterben/sagte/ Nunc experiar an daz re,
de quibus semper dubitavi, sint uera uidelicet an sit Deus,
& an anima sit immortalis, Tu will ich erfahren
ob zwey ding / daran ich immer gezweiffelt hab/
war sind/Ob Gott sey/vnd ob die seele vnsterblich
sey. Bapst Paulus danon dis Büchlein schreibt/
hat zu Bembo dem hochgelarten Cardinel ge-
sagt/ O Bembe Bembe quantum profuit nobis illa fa-
bula de Christo, O mein Bembe/wie sehr nützlich
ist vns die fabel von Christo. So hat Bembus
zu Sadoletto auch Cardinel/da er schreib vber die
Epistel ad Rom. gesagt. Non decent grauem uirum
tales nuga, Es stehen einem herrlichen manne sol-
che narrenteding nicht wol an.

Daraus erscheint Flerlich / das Babst vnd
Cardinel von Gott/Christo/Euangelio/vnd dem
ewigen leben gar nichts halten/noch glauben/
daramb hüte dich für ihnen als für dem Antichrist
vnd Teuffel selbs/Denn künden die vn-
glaubigen/Gottlosen Cardinel ergere böswicht
vnd schelmen finden/so eruelten vnd geben sie vns
die auch zu hirtten vnd Seelsorgern. O wehe vnd
aber wehe des Römischen hofes / verstuht vnd
vermaledeiet sind alle ihre Ceremonien. Siehe vnd
kiss nur / was Babst Paulus der heilige Statthalter
Christi(wie seine eigene Mahlen von ihm
schreiben)

(schreiben) für ein schlechtes und Unswicht gewest ist/
so wirstu dich nicht gütiglich verwundern könn-
en/ das ihn unsere Deudschen anbeten/ handha-
ben/ schützen/ Vmb solchen vnstat so viel Christe
ihres unschuldigs blut vergießen/ vnd die from-
en Christen zwingen/ das wahrzeichen von die-
ser Bestien zu empfangen/ das ist/ seine Decret vnd
Hollöse Ceremonien anzunehmen.

Sadolemus hat auch oft gesagt/ das/ was
da belanget die vntugenden der Geistlichen/ Un-
ter alwenig geschrieben habe. Daraus aber
wir Christen sollen dasjenige abmercken/ das
Paulus zu den Römern sagt/ das grausam Vnzucht
vnd Abgötterey/ immer bey einander pflegē zu sein.
Darumb weil die Antichristliche Geistliche/ sampt
dem heiligen Vater Pabst selbst/ nu eine lange
zeit/ in allerley laster/ schand vnd Sodomischer
vnzucht (wie das niemand leugnen kan) erschaffen
gewesen sind/ one zweiffel so ist es gewiss/ das/
auch grosse Abgötterey vñ irthumb/ in ihre we-
sen und thun/ sein müssen/ wie denn das Got lob/
sonst gangsam zu dieser zeit/ erkleret vnd vnwid-
ersprechlich beweiset worden ist.

Christus gebe vns vnd allen fromen Chri-
sten den heiligen Geist/ auff das wir die warheit
erkennen/ vnd dabey durch todt vnd leben

bis in ewigkeit bleiben mögen/

AMEN.

Vorrede.

Es ist mir freuntlicher Leser vor etlichen
tagen eine schriftt zukommen/darüber
ich mich nicht genug hab ver wundern
können. Nicht das ich geglaube harte/das
solche ding/der hystorian nach wie sie
beschrieben/in der helle geschähen sein
Sonder das solche grausame laster/die auch den from-
men/kaum ledlich sind zu hören/von einem der der All-
heiligst genant werden wil/unter den Christen außgesche-
den werden sollen. Darumb es kein wunder ist / das von
wegen eins solchen einigen menschen/die ganze Christen-
hat/von Juden/Türcken/und andern vngliebigen / ver-
spottet werden mus. Denn wer wolte sich nicht entsetzen
wenn er höret/das aller gliebigen hertz und augen/in es
solchen gesetzt werden sollen/der selbs kein glauben hat
Von ein solchen vergebung der sünden hoffen/der kein
Consciensz oder schew der sünden/Ja schier gar. Konfess
nicht hat: wie leider aus diesen hierint gemelten stücken
mehr den zu klar angezeigt wird. Derhalb ist es war/das
viel besser were/ solche ding vnterzudrucken und gar zu
verbergen/wo es möglich were. Diem Weil es aber sowohl
kommen/das nicht allein Rom/sonder auch ganz Ita-
lien/mit solchen dingen umgeben/ und öffentlich aus-
ruffen/ auch endlich so weit erschollen/das sie vorlauff
in Deutschland kommen sind/ Hab ich diese schrift nicht
hinderhalten können / sonder bin sie auch andern mit-
zuteilen verursacht worden. Ob doch die blinde welt/ihre
augen ein mal auffheben wolte/das sie nicht mehr so halt-
starrig an den menschen hienge/sondern auff den einigen
Gott/an dem doch aller menschen heil und seligkeit allent-
stehet/sehen lernet. Zu dem/so weis ich auch wol/das sie

zu was vil mehr die gemeynen in der Christenheit sein
wollen/sagen dürffen vnd auch verbeden/ob sie nicht/Das
vns ein Braut vnd gemahel Christi/ die heilige Christi-
liche gemain/ ein solch schendlich vnd mit allen lasten/
an Conscience vnd Gewissens/bedruckt habe/haben sol/
Wache nicht allein eigener person halbe blöde vñ vntüch-
ig/sonder auch auff alle böse sich beflist/vñ leichtfua-
rig absolution/andere vñ frembder sünden vñ gro-
ße laster sich anmasset. Solche möchten sich wol aus-
anhang dieser ding was bedencken/das sie der heiligen
christlichen kirche/nicht so viel schmach an-
thun/vñ ihr mit so großem nachteil vieler seelen nicht
et solch schedliche hant auffsetzen/Sonder sich an
den haupt Christo Ihesu/das ihm von Gott dem
vater geben ist/genügen lassen. Oder ob sie ja ein züliches
hant habe wolle/das sie auch dazuthete/das es solcher
mit reformirt vñ erhalten würde/das es dem heiligen
Christi nicht ein schmach vñ schand were bey aller
Welt/sonder ein Gloria vñ Lob. Daran sich jederman
bessern möchte/Vnd ob sie gleich wol sagen wollen/
Nicht Paulus Iarnesius/von dem solche laster ange-
hen/were der kirchen haupt/sonder Bisffliche heis-
liche wache in die ihr gesetzt vñ ihm solch ampt be-
schrieben/von dem solche ding nicht geredet werden
sollen/da. So ist die doch künden schuldigung/Denn
ist ihnen sich vil stüdt viel trüch in sinem namen/
sonder aus Bisfflicher gewaltung gehet/Daraus wol
ermittelt ist/wann er sich solcher gewalt vñ Wirt-
schafft nicht oberhaben hett/so hett er statlich auch mehr
schaden vor den andern lasten gehabt/vñ ob er
gleich nicht aus liebe der christenheit weiterlassen/so hat
er doch an sich die schuld nicht so unentwiltiglich
entgangen. Wachung hinnen in vñ do als vñ do
Aber dem sey alles wie ihm wolle/so ist die liebe
Kirche

Kirchen allein/bis allen vnrat haben tragen mus. Dem
uber sie gehen solche ding alle bey den menschen.

Nun weis ich wol/das diese schrifft nicht gleich von
jederman auffgenommen wird/vnd wird freilich der ge-
ringste teil draus die sich bessern. Dem etliche werden sa-
gen es sey nichts dem Narrenwerck/weil es so schimpf-
licher wais fůrgetragen vnd an tag geben wird. Hierauff
antwortte ich. Es ist wol zugedenck das freilich in der hal-
len solche triumph nicht zugerichtet werden / da es vil
kleglicher vnd vnbarmerziger/mit den armen verdamp-
ten / zu geht. Dazu ist es keinem menschen mōglich / noch
keinem gaff gebrauchlich/das er offenbare was im da-
hellen geschicht. Aber darneben ist es nicht seltsam / nicht
new/das die warheit/etwa in Parabeln/etwa in gleich-
nissen/oder sonst mit verdeckter weis/ angezeigt wird/
Sonderlich wo man sich vngnad/sandschafft/oder an-
dere gefahr besorgen mus. Wie es dem leider jzt in der
welt/darzu kommt ist/das schier niemand dem andern
sein anligen vnd mangel anzeigen darff/ er wolle groff
sandschafft erwarten/sonderlich wo es grosse schen-
ren vnd gewaltige kint berűret. Also kam Nathan
der Prophet zu dem Kōnig David/da er ihn seiner vnbe-
kanten sünd halbes straffen solt/Vnd sprach nicht bald
zu ihm/Du hast ein biderman sein weib beschissen vnd
endfrembde/ sonder legt ihm ein gleichnis fůr/ dadurch
er die vnbilligkeit/solcher schweren that erkant. vnd mit
eigenem vrtail selber verdampfte. 2. Regum 12. Gleich-
gestalt redt auch Nathan mit Achab den Kōnig aus
Israel. Da er in ratfrage/Ob er wider Ramat Gilead
ziehen solt/sie zu betrigen. Sagt er im nicht stracks Ja/
oder ja/wie die falschen Propheten gethan hatten / son-
der er seines hargens hartigkeit/woll erkant/ Sonder
het an zureden/als ob er im Himmel gewesen were vnd
hette gehōrt/wie Gott mit den herscheren des himmels
redet

wetz/die zu seiner rechten vñ linken stunden/wie Abab
solte betrogen werden/ Da freilich der Prophet nie hin
kommen / auch Gott on zweifel nicht also mit seinen
gästen gehandelt hat. Aber auff das Abab verstehn
möcht (hette er anders selbs gewolt) wie seine sache stün-
den/darumb hat er ein solche art mit jm zuredē gebraucht/
ob doch ein füncklein glaubens gegen der warheit noch
bey ihm were/das er sich hütet vnd sich selbs vor vn-
glück bewaret. ij. Regum xxij. cap. Derhalben soll es nie-
mand befrembden/oder deste geringer geachtet werden/
ob noch auff dē heuttigē tag die warheit vnterm schimpf/
vñ ein wenig mit glimpf an den tag gebracht wird/damit
die straff der laster/nicht on grund Göttlichs worts/für-
gebildet werde/Sonderlich wo man mit leuten zuschaf-
fen hat/ die sonst/ vmb kein vermanen noch warnen geben
wollen/ ob doch etwas an der verstockten Welt helfen
möchte/ damit sie sich besserte/vnd zu Gott bekerete.

Zu andern/möchten etliche sein/die da gedechte/Es we-
ren diese grausame hendel/dem Bap m zu leid/ auff
Paulum Jarnesium/ den dritten Bapst dieses namens/
adichtet /vnd nicht also geschehen/wie sie erzelet. Welchs
fürwar treulich vnd von hertzen/von Gott dem almech-
tigen/zu bitten were/ nicht allein von wegen des Bapst-
tums / sonder auch zu gut/ der ganzen Christenheit/die
vom Gott solcher ding wegen/vbel hören vnd grosse an-
stoss vnd ergernis erleiden mus.

Aber es sind leyder noch wol andere stück mehr ver-
handen/die nicht weniger schwer zu hören/ denn diese/Al-
ber so hell am tag/ das sie vnleugbar sind/ Auch noch
auff den heuttigen tag/durch etliche fromme leut für ge-
bracht werden können.

Als nemlich/das er ein wissentlicher todtschleger ist
gewesen/ d arumb er auch in gefencknis kommen/ vnd so
ihm nicht heimlich davon were geholffen/Hette er vie-
liche seinen lohn darumb empfangen.

B Item

Item/so hat ihn sein eigner schwager/ Nemlich seiner Schwester Tochter man/ auff ein zeit/in ein Stetlein heist Galestus/ bey seiner frawen/ die seine Nume war/ ergriffen/ vnd inn hals verwundet/ das er das malzeichen bis inn sein end getragen hat/ vnd von iederman vnlange bar gesehen ist worden.

Item/da er zum Papst erwelt werden solt/da hat einer aus den Cardinelen/ genant de Ara celi/ der etliche zeit Sarnesij beichtuater gewesen/die andern Cardine ge warnet/das sie ihn nicht zum Papst machen solten/denn er ihn offte beichte gehört(wie es den bey ihnen der brauch/ das in des Papsts wahl/auch was in der beichte gehört/ nicht verschwiegen darff werden)aber alweg befunden/ das er nicht glaube / das ein ander leben sey nach dieser zeit/weder zum guten noch zum bösen. Im Papstum hat er ein bastharten gezeugt/ein töchterlein/ist in ein stälein heist Frascada auferzogen worden. Item so hat er auch nach dem er Papst worden ist/seinem eighen Tochterman der Constantie man mit giffte vergeben lassen/das mit er vngehindert seinen mutwillen volbringen möchte.

Item/so hatt er etliche böswichter bestellt vnd geschickt / das sie den frommen fürsten Ferdinandum Gonzagam/ermorden solten/Die auch vber dem handel gefangen/vnd frey bekant haben/das sie vom Papst dar zu verordnet weren solchen mort zu volbringen.Darumb er ihnen/etliche bistume ihren sänen zugeben/ verhasst hette/wann sie den frommen Fürsten vmbrechten. Item/ als er auff ein zeit ein Legaten gen Venedig wolt schicken/ der im daselbs seine geschafft ausrichten solt / Erweldt er einen dazu mit namen Joannes della Casa /der vorhin öffent lichein büchlein im druck hat ausgehn lassen/darin er frey klar schreibt/das die Schandlaster vnd Sodomitische sünd/nicht allein nicht sünde/ sonder ein Götlich werck seyen.

Dieses hat auch hernach alle gelerten im Deudschen
land/so das Euangelium lernen/mit ein besondern büch
lein in Ban gethan. Item des Babstes Son Petrus Alloy
sius/hat ein mal ein ganz Kloster Mönche / mit gewalts
geschendet/vñ sonst vnzelich viel Sodomitischer tugenden
begangen. vnd wen man solche tugende/ für den heiligen
Vater/den Babst gebracht hat/ so hat er gschelt vnd
gesagt/es were ihm natürlich/vñ hat also das fromme
Bönichen entschuldigt.

Item/so hat Paulus aus Besslicher gewalt / ein
sonderliche vnd newe weises die sünde zu vergeben/vnd als
er sünden Ablass zugeben erdacht. Nemlich/er hat etliche
Pater noster körner/oder ringlein(wie mans nent)genom
men/die selbigen gesegnet / vnd umbs gelt verkauft/vnd
öffentlich fürgeben/Welcher solcher Pater noster körner/
eins anrühre/oder daran bete/dem sollen alle sünd verzei
hen vnd vergeben sein/ob er gleich nicht von hertzen bete.

Diese/ vnd andere stück mehr/sind so öffentlich an
tag/Das sie auch bey leben Bapsts Pauli öffentlich im
druck/mit ein büchlein/in Italia ausgegangen sind. Dar
aus du frommer Leser wol lernen magst / wie der Babst
ein haupt der Christlichen kirche / ein Stathalter Chris
ti/vnd nachkommen Petri/ vnd der Aposteln sein mag.
Item was guts zuverhoffen sey/wo ein solcher oberherr
vnd regent sein soll. Denn ist es war/wie es nicht erlogen
sein kan/wie Paulus sagt/Das aus dem haupt der ganze
laib/durch die glieder vnd fugen / handreichung empfe
het/vnd aneinander sich entheilt/vnd also zu seiner gröss
körner/Colossen.ij.cap. So mag ein jeder Kleinuerstend
iger wol gedencen/was es für ein laib sein wird/der
von ein solchen verterbten haupt/ geregirt werden soll.

Were es nicht billich/wan man ein rechte Christliche
Reformation anrichten wolte/das mann an ein solchen
verwiltten vngesunden haupt ansinge / damit es in der

der vnd leben recht Reformiert / vnd gantzheit wider/
wenn es darnach an ihm selbs gesund were / so were das
andern gliedern bald zuhelffen / die weil sie wüßten wann sie
gehorsamen / vnd vnderthenig sein solten. Aber so lang
das nicht geschicht / vnd das die gewalt bey einem solchen
verkeren vnfinnig heupt bleibt / So mache man Concilia/
Synodos / Reichstag / oder andere ordnung / so wird
doch nichts ausgerichtet / sonder ist kost vnd arbeit / alles
verloren / Denn wie es inn der natur ist / so ist es auch
an dem geistlichen laib. Würet / tobet / das heupt / vnd ist
vnfinnig / so müssen auch alle andere glieder / des ganzen
laibs / toben / wüten / vnd vnfinnig sein. Ist es gesund / so
kan es alle gelider / mit ruw vnd stille / in gutem friede er-
halten. Vnd ob sich etwa ein vnrat am laib zutrage / so
kan es im bald helffen / damit das schedlich abgefahe
vnd der ganze laib in rechter gesundheit blabe. Darumb
frommer Leser / wollest du schreiben im besten (wie es
auch gescheen ist) auffnehmen / vnd Got treulich bitten /
Das er gemeiner Christenheit / mit seligen vnd ihm ge-
seligen mitteln / wider zufrieden helffen wölle. Damit
wir hie ein friedfams Christliche / Gottgefellige /
leben führen / vnd dort das
ewig erlangen /
Amen.

P. Nesquillus ober- **stermeister der Bischoffe/entbenteet**

M. Fortio/ beyder rechten erfarnen/
seinem besondern geliebten Bruder/
freud vnd gnad .

In Je hart mich bekümmert hat/ges
liebter Bruder/ dein abscheid aus
dieser Stat/hast du selber wol ge
spürt /als du von mir geschaden
bist/auch hernach gnugsam/durch
meinen brieff erlernet. Ich hatte
mich entweder mit dir hinweg müssen/wo der Papst
mein abweisen nicht mehr /denn meine gegenwertigkeit ge
fürchtet. Oder(wo ich anders sterblich were)hätte sterben
müssen. Aber dieweil ich gegenwertig bin/hat sich der Papst
nicht an mich setzen dürfen/denn er wol berichte/ wie es
Abriano dem sechsten/vnd Clement dem sibenden/ nicht
wol drüber gangen ist. Denn nach dem der almechtig
Gott gewolt/das ich der Bischoue/ vnd Papste / Ober
stermeister sein solt/hat er mir eine solche natur/vnd eigen
schafft dazv verlihen /das ich dem todt nicht weiter vna
nsworffen sein solte / denn wie es auch die natur gibe/
das ein mensch nicht mehr denn ein mal sterben solle/ wie
ich denn ein mal gestorben bin/vnd fürder mehr nicht/ges
wird worden mag/auff das ich die Bischoffe vnd Papste/
für vnd für straffen vnd treiben möge. Aber dich acht
ich selig/mein Marce Forti/das du so bald/eine herliche
knechtschafft himmelscher leer erlanget hast /die du aus
unserm geprech empfangen /als du mit etlichen wenigen
vns hinnen entrunnen bist/ Da der Papst Paulus vnsern
B in
niglichen

sinniglichen wüthet/ vnd dich entweder zum widerruff/ oder zum todt erfordert. Den wie könte ein mensch gewissen tunschafft vnd bewerung der gnaden Gottes gegen im haben/denn so ihn die Bischoffe/ Priester/vnd Pharisäer (wie sie auch Christo dem heupt selbs gethan haben) dem malediciren /durchhechten / vertragen/ vnd zu aller marter vnd pein/ersuchen. Damit ich aber solche ding vnterlass/ die du als von Gott gelert selbs wol weist/ So will ich zum heupt handel/darumb ich dir jzt schreibe/ graffen.

Es ist dir noch woll eingedenck (als ich achte) wie du mich auff ein zeit gebeten/ da wir von etlichen himelischen dingen miteinander redten/so ich/ nach meiner gelegenheit /dieselle vñ hellsche geheimnis durchwandert vnd ersüre/wie ich die himmelschen sachen erkündet hab/ ich wolte dich des selbigen auch berichten.

So hat es sich jzt(wie wol mit genawer not/beyben/das ich am negsten/als der alte Doeg/ ich rede von Paulo Sarnesio dem Papst)gestorben/vñ in die helle getragen ist/drunden gewesen vnd viel gesehen hab. Was mirs die Bischoffe/ vnd andere menschen glauben/wären den sie Ihesum Christum nicht also verfolgen/ oder seine Kirchen verwüsten. Ja sich selbs nicht von Christo/durch erlogene vñ aberglaubige ding lassen treiben. Weil ich aber jzt nicht kan bey dir sein/vnd solche ding mündlich erzelen/so hab ich dir diese ganze Tragedy vñ geschicht/ mit kürze in diesem bräuff anzeigen wollt/ Allein betrachte du mit fleisigem gemüt/wie denn dein gewonheit/ was du hie lifest.

Aulus /den man auch Salulum nennē mag/ ist am neunenden tag Nonembris vor mitternachte gestorben. Da was ich vmb dieselbige zeit bey Tito Polybio/den du wol kenneest/ ein redlicher mann vnder allen Römischen bürgern /den mann warlich für ein weiser man dargubē mag. Vnd als wir ein guten teil der nacht/ mit gesprach

sprech von der Christlichen gemein angst vnd not / auch
wie ihr geholffen werden möchte/vertriben/aber noch nie-
cht gar ausgeredt/sonder auff ein andere zeit anstehn lies-
sen / wolte Polybius/ ich solte dieselbige nacht bey ihm
bliben. Vnd als ich eben entschlaffen was/sich do kümpte
mein Engel/ der mich vor zehen Jahren inn himmel ge-
für hatte/stund bey mir vñ sprach/Stehe auff P. Aesquil-
le/ wiltu anders sehen/mit was pracht vnd pomp Pau-
lus der Babst/vom hellischen König/ vnd seinem Hoff-
gesind empfangē wird. Da sprach ich/ Ist den vnser heil-
iger Vater der Babst todt? Er Sprach/ Ja/er ist ein mal
gestorben/hat. er anders je gelebt. Aber alle heiligkeit hat
er Christo gelassen vnd seinen heiligen/vermeint / er hab
gung/wenn er allein mit dem titel vnd namen/ der aller-
heiligst genent werden möchte. Wolauff sprach ich / ich
wil mit dir gehen/vnd willig folgen / wo du mich mein
erwer gleichman/ hinfürest. Spricht er/wir wollen zum
erst ins Palatium gehn/da finden wir Paulum noch ein
wenig athmen/denn er am letzten hinzug ligt / vnd sind
vil Teuffel bey ihm/ aber wenig menschen. Denn dieweil
man sich seines tods eigentlich versah/so wartet ein jeder
seiner schantz/etliche raumten die Kasten/ die andern tei-
leten seine kleider/die dritten sein silbergeschir/vnd andere
andere/wie es denn in solchen sachen zugeht. In dem wie
das geschach / da verschied vnser Allerheiligster Vater.
Da was einer vnter den Teuffeln der für ein Fürsten/vnd
höherer würdigkeit denn die andern geachtet ward/ der
trat hinzu/vnd sprach/Tun helff dir der Satan/der vns
sich rachs ein auffenthalt/vnd besondere zier ist. Nach
dem nam er in bey der hand/ vnd fürte ihn in ein fast
tuff finster thal/in welchem zu beiden seitten/hohe cypres-
sen bewu stunden/so dick/das kein sonnen schen/nirgent
dadurch kommen mocht / Inwendig aber deselbigen
thals was ein wüster stinckender see/den ich mein ea sey
der

der Quernos / oder sonst etwa einer seins glächen. Da
hies der Dracolyeus (also hies dieser fürst der Tausd.)
ein lang weibskleid / rostig von farben herfür tragen
(dem Paulus gar nacket hinweg geführt was) das klei-
big kleid war voller feurriger schlangen / vnd zuring umb-
her mit Scorpionen umblegt / wie ein schwaiffe. Da be-
daucht mich nicht anders / den Paulus were ganz vñ gar
zu einem alten / wüsten trunckenen weib worden / gar wid-
anders denn Joannes der Bapst gethan hatte / der sich
für ein mann ausgab / vnd sich das bald erfand / das er
ein weib war / da er ein kind gebor. Ich verwundert mich
aber darüber zum aller höchsten / das man alle seine größte
laster / im selbigen kleid / abgemalt sahe / als da sind todt-
schleg / vergiftung / verretterey / blutschand vnd ander un-
gehörte hurerey. Darnach zohē sie im zween schu oder stü-
ffel an / von schweinen leder / vñ setzen im ein hut auff von
eim fuchsbalg gemacht. Darüber setzten sie im auff ein
Bischoffs hut mit dreyen kronen. Aus denen was die vñ
derst / so vmb die stürnen vnd schlaff gieng / von einer sch-
langen geflochten die hinden vnd vornen. Köpff hatte die
andere was von eytel giftigen ottern / Zu oberst was ein
schlang mit zweien hörnern / die bis auff die spitz der an-
feln reichte. Am hals hatte er ein kleinot hangen / was von
zweyen schlangen geflochten. Zu beiden oren waren band-
te frösche / für die guldene ohrschellen. Seine hendeschu-
waren aus bley gemacht / vnd die armring aus otterge-
flochten / auff das ihm ja nichts mangelt / was zu hüt-
scher zier dienet.

Nach dem setzten sie ihn auff ein grausam thier / das
har mit gestochtem menschen blüt zusamen gebachen war
Vnd seine haut von mancherley farben / gefleckt. In wel-
chen die namen aller yrrthum / vñ lesterung / die wider Got
vñ Christum von anfang der menschen geschehen sind ge-
schriben stunden / als ob sie darcin geertz weren / Der Tempel
ca /

in Phariser/ Essener/ Schioniter/ Manicheer/ Artianer/
Machometaner/ vnd Pelagianer/ One die/ so die Papisten/
Sey vñ Christo zu schwach erfunde habē. Vnd die Thier
die sich haubter/ vñ sehen hörner/ vnd auff jedem horn
die trone/ durch welche die Königliche gewalt in diesem
Thier angezeigt ward.

Es hatte auch Paulus ein gülden trinctgeschir mit
ihm gnomme/ war gleich wie an Kelch/ damit die Prie-
ster Miso halten. Daselbige trinctgeschir trug er in der
hand/ gleich wie die Deudschen thun/ wenn sie einander
bringen. Wie solcher zier fürten die Hellschen diener/ den
Bapst hinab durch das Thal.

Wich aber fürte man Engel auff der rechten sei-
ten am berg/ das ich diesen prachte/ vnd alle ding ganz
klar durch die Cypres baum oben herab sehen konte. Vnd
als wir ein wenig fort kommen/ da horten wir ein gros
gerusch von Reissigen zeng. Da sahe ich durch anzeigung
meines Engels/ Petrum Moysum des Bapsts son/ der selb/
als er gehört/ das sein vater kamen solt/ ist er ihm ent-
gegen geritten/ saß auff einem Bock/ was größer denn ein
Ochse/ hat ein Bocksfel vmb sein lab/ an seiner brust hing
ihm / an stat des güldenen Kleinods / ein grosser Priap-
pos/ vnd daneben (des ich mich fast verwundert) hing
an ihm ein kleid/ was halber nacket. Vmb ihn lief eine
grosse schar schandbuben/ mit zarten kleidern angezogen/
doch hinden hinzu alle nacket/ wie die Affen. Die vbrigen
aber/ so bey ihm waren/ Ritten alle auff grossen Ziegen/ vñ
in ihren seiten hatte sie alle Priapos gemalt (was nicht
warumb) Da hat Petrus Moysine/ mit sampt Constantia
seiner schwester vnd Saiswiter / die bey ihm war/ ihren
reit laum mögen komen/ in dieser schar der schwarzen
Reissigen. Denn er ist gar andast beladet/ vnd ganz an-
der seite/ auch nicht mehr sein was pferd/ vnd köstliche
Erdnemen/ wie es im leben gehabt hat. Ja er hatte ihn
auch

auch gar nicht können kommen/wen er nicht den Bapst
gesehen/vnd seine stim gehört hette. Als sie nahe zusamen
kamen/vnd ein ander gegrüßet hatten/Spricht Alosius
zu seinem vater/Sihe/bytū auch hie rab kommen/Men-
te ich doch du würdest in himmel fliegen/ wen anders die
seel nicht mit dem leib stürbe/das ich leider etwas nicht
geglaubt/aber junder wol innē werde mus. Es hat dich
doch der mehrer teil der menschen/für ein Gott gehal-
ten auff erden. So hastu selbs den himmel denen jagen
sagt/die dich eheren/auch die seelen von der hellen erlö-
sen/Item/du hast auch jderman verzigen/vnd alle prin nach-
gelassen. Die zu deinem heiligen stul mit andacht wider
gekehrt habē denselbigen hastu auch viel nachgelassen/von
der strenge des alten rechten/Wie denn jzt mit den Dab-
schen Fürsten vnd landen geschehen/die von dir abge-
fallen/vnd wis nicht was Euangelischer lehr sich er-
geben hatten/denen du zu betrefung solcher ding/den
Bischoff/vñ gefante Legaten von deiner suten/geschick-
hast. Wiewol alle deine beste freund(vnter denen ich auch
einer)wol gewußt/das du selbs wenig gehalten/ auff die
ding/so du andern für hoch verkaufft/vnd nur für sich
geachtet hast. Denn ich noch wol gedenc/wie du mir
ein mal sagtest/es were kein Teuffel/ noch kein helle/ doch
so müste mann die ding erhalten/ das sie ein schön anseh
vñ fast gut were/die laute zu betrigē. Denn man mit solch
dingen/nicht allein land vnd laut erhalten/sonder auch
mehr darzu vberkommen möchte. Darumb vermehre ich
dieweil ich dein son/vnd mit solcher lehr von dir ver-
richt war/ ich möchte thun auff erden was ich wol/Da-
raus sind geflossen/so viel schantlafter mit knaben vnd
medlein/so viel todtchlags vnd rauberey/onzeliche leu-
rung/wider Gott vñ Christum/mit sampt andern lasten
vnd boßheit/in denen ich dir nachgefolget/vnd ihr so viel
begangen hab/das ich ihr so voll bin worden/das mich
wider

mildder Gott noch die welt mehr mögen leiden. Darum
ich/wie andere Tyrannen/welcher keiner on blut vnd tod/
schlag hieher kömpt/in diese grube gefallen.

Darinn ich nu wol innen werde/das eine hell vnd
auffd sein/durch welche alle laster gestrafft werden mit
ewigen sewr/dem ich wenig nachgedacht/oder sie vermit
en habe in meinem leben/die weil ich also vnterricht/vnd
solche lehr von dir empfangen hatte. Darumb/o Vater/
bedorffen wir vns hie keins andern versehen/denn angst
vnd not/vnd ewige verzeiung. Auff solchs ersuffzet
der Vater/ vnd erstummet ganz vnd gar/hatte allein
acht auff das end/ wie es ihm doch zuletzt gehen würde.
Vnd sihe/wie sie also ein wenig mit einander fort redten.
Da hort man ein gros geschrey von Rossen/vñ brüllendē
Leuten/das waren etliche Kaiser/Rönig/Tyrannen/vñ an
der fürsten vñ Herrn/die etwa solche gewalt dem Thier
abgeben/vnd von dem trinckgeschir der huren aus Ba
bilon/getruncken/vnd sich mit ihr vermischet hatten. Diese
sind ihr entgegen zogen/vnd haben ihr elend beklagt.

Nach diesen ist eine viel grössere schar kommen von Bis
choffen/Cardineln/Epten/Mönchen/vnd Pfas
sen/die sind alle auff Hewschreckē geritten/die waren ange
zoge wie die Ros so zum krieg gerüstet sind ihre haupter sa
hen/als ob sie güldene kronen aufftrügen/hatten angesicht
wie ein mensch/vnd lange zöpff wie die weiber/ihre zeen
waren Leuen zeen/vnd alle mit eysern pangern bekleidet.
Hatten lange schwenz/vnd am end der selbigen/spiz wie
die Scorpion. Mit solchem pracht(da mit ich dich niche
langer auff zibe) sind wir kommen bis zu der eysern stadt
dies des hellischen Rönigs/in das trübselig rath. Da
waren schwibogen auffgericht/vnd grosse saulen/ mit
Triumph vñ sigzeichen/in welchen die namen vñ herliche
thaten vnser aller heiligsten Jarnesij/ingeschrieben vnd
gehaben stunden.

**Der erste schwibogen was vor der
Statt thor/ Der zeigt an die Erste frucht der
heiligen thaten Farnesij.**

Dieser schwibogen war von eitel bley gemacht. Da
sah ich/ das Paulus darin gegraben stund/ wie er Alex-
andro Borgia dem Papst/ seine Schwester verkuppelt vnd
heimfűret/ damit er sich seiner schulden entledigt műche.
Auff der andern seiten/ stund ausgestochen/ Wie Paulus
seiner andern Schwester (die nu zu viel in dz geschlechte der
Fregnesier geriet) giftt ingos/ darumb das sie andern li-
ber hatte/ denn Paulum ihren bruder. Es műssen aber die
jenigen gűtig leben/ so auff andere gűter hoffen/ wenn
sie das ihre unnűttig verthun. Es zeigt auch das ober-
theil an diesem bogen klar an/ wie er sein mutter auch mit
giftt getűdet hat. Vnd auff diesem bogen stund also ge-
schrieben.

**Paulo Farnesio dem weitberűmp-
ten Patronē/ aller hűrenwirt vñ Todtschlaget.**

Nach dem sind wir in die stat komen/ da sahen wir ein
Vander gebew/ das war aus eytel wűsch gemacht. Da
stund innen/ wie Paulus Triumphiert/ von wegen an-
jungen Juncffrawen von Ancon.

Denn nach dem er mit grossen beschis vnd bűb-
rey/ den roten Cardinals hűer erlangt/ vnd als ein Legat
gen Ancon geschickt war/ gab er sich aus fűr ein kűnig-
man/ vnd beschies also die Edle Juncffrawe/ die er zur
ehewib nam vñ beschliff/ Welche/ als sie innē ward/ war
er war/ vñ das sie nicht sein ehewib (wie du wűsst/ das a
sie nach Bűpflichen rechten/ zur ehe/ nicht haben műche)
sonder seine zur sein sole/ were sie schier taub worden/ vñ
von sinnes kommen. Doch gebar sie ihm einen Son/ der
name

unter Petrus Alloysium die herrliche zier des Römischen
namens. Auff demselbige gebew war also geschriebe.

Paulo Barnesio Cardinali dem
grossen schalt/haben die Landbescheisser
dieses werck auffgericht.

1520 giengen wir fürder. Da sahen wir ein ander mal
Zeichen/das was aus bley/zim/vnd erz gegossen. Da
hab ich gesehen aus künstlicher art Paulum den Papst
gegossē mit seiner Tochter Constantia. Die ihm weit mehr
fründlich vnd unterthänig war/dann eine Tochter einem
vater thun solt. Dagegen stund/wie Paulus seines Sohns
was war/ein schöne/häbsche/ehrliche/züchtige Matron/
von hohem stamme geboren/begert zuschenden/ vnd ihr
der alt doch an lag/ihm zu verwilligen. Oben auff diesem
schwibogen/stand wie Petrus Alloysius den Bischoff Sa-
nusi unterstund zu seiner Sodomel zu zwingē/des auch der
selb mit jung Bischoff gestorben ist. Sie bey stund auch
wie Paulus sein vater lachet/als ers vernommen hat/vnd
ihn absoluiert. Vnd von wegen solcher adelichen that/
was oben am selbigen bogen geschrieben.

Paulo dem dritten Papst des na-
mens /vnd seinem son/ den grossen hurern/ Ehe-
brechern /vnd knabenschenckern/hat die vnkau-
schbar/dieses zu ewiger gedechtnis gebawet.

Alnach sind wir kommen auff den wäiten platz/Pla-
tronium genant/da sind zwey trophea auffgericht ge-
wesen aus hartem vnd roefarben salzstein. Da stund in
den anen/wie die Perusiner überweldiget/vn vnderdruckt
sind worden. In andern/wie Afsantus Colona/der from-
fürst/aus seinē land mit grosser gewalt/von diesem alte-
deng vertrieben ward. Über diesen beiden stund ein sol-
ches viel geschrieben.

Paulo

Paulo Harnesio dem Babst vnd
grausamen Tyrannen/haben die Tyrannen
diese trophea/zu ehren gestelt.

Nicht fern von dannen/ auff der andern seitten des
platz stunden zwö grosse viereckete seulen/weis nicht
aus wasserley materi sie gemacht waren/da stund in der
einen/wie er Camerin mit beschis vñ betrug ein nam/vñ
die fürstin/mit sonderer weisheit vñ frömißkeit begab/
daraus vertrieb. In der andern/da sahe man mit was
liste er das Collegium der Cardinel hindergangē/daß sie
im vewilliget Placenz vñ Parma/mit Camerin abzuwan
schen/der doch keins sein war/Durch welche ursach/Pe
trus Alloysius sein son(den er zum Herren bader stete/Par
ma vnd Placenz gemacht)zum todt gebracht ist wor
den/Vnd deren titel war also.

Paulo dem dritten / hochberümpf
ten vnzalbarer vnd grosser veretterey/ hat Judas
Iscariotes mit andern Verratern/diese seulen gesetzt.

Auf der dritten seiten des platzes/stund ein bogen/was
gemacht wie der himmel/da waren die sieben Plan
eten inn/vnd die zwölff zeichen / mit sampt viel andern
Sternen/den Astrologis wol bekant.Da stund vnser Pau
lus/beim Dionysio Seruica/vñ dem Gaurico/mit andern
Astrologis/die alle in den auffsteigenden zeichen/der Pla
zen aspect/vnd den heusern des Gestirns suchten. / wie
es dem Babst bey seinen leben gehen solte. In welchen sie
alle so gar verwirret/das einer gemeint solt haben/sie wa
ren allsampt vnfinnig.Darauff was ein solcher titel ge
schriben.

Paulo Harnesio dem Babst vnd
Astrologo/grossen zeuberer vnd warsager / haben
die Sternkuter diesen bogen gemacht.

Ein vierden Eck vnd winkel des platz/ da war der
Bisgamer baw/mit rotem wachs gemacht. In wel-
chem waren viel gänstler Bischoff vnd Epst/ vnder den-
selben waren drey fürnemlich gleich wie richter/mit pur-
pur bekladet. Bey demselbigen ort/ waren diese vier buche
stetig geschrieben S.S.T.C. hat nicht anders ein ge-
stalt/ denn als ob es/ eins heiligen Concilium versammlung
were. Darinn mann handelte durch wenige (wie das an-
genliche brieff/ die da gelesen vnd geschriben wur-
den) das mann die warheit unterdrucken/ vnd den Kaiser
bändigen möchte. Da hettstu gesehen wie etliche verachtet
wurden/ vñ von dannen weichen mußten/ darumb das sie
die warheit/ nicht mehr denn ein wenig unterstunden zu
bekommen/ vnd sich ihren verkerren ratschlegen/ etlicher
mußten widersetzen. Daselbs sahe ich ein Doctor der artz-
ney/ doch ein besserer Astrologus denn ein artz. J. C. der
muß mit geld bestochen/ das er sagen/ vnd mit schriff-
ten sein lauff ausgehn/ Es were ein vngesunder lufft zu
Trunck/ den heiligen veteren schädlich. Damit man (den Kai-
ser zu beringe) das Concilium an ein ander ort lege möch-
te/ an welche sie sicherer vñ freier/ auch mit mehrer stimmē
zu Trunck volbringen oder zum wenigsten das Con-
cilium verlängern möchten. Demselbigen was zu wider
standt/ auch ein gelehrter artz/ der sagt/ das ein ge-
sunder lufft/ vnd alle ding heilsam da weren / das auch
nicht am ort/ noch ander gelegenheit ichtes mangelt/ das
auch das Concilium nicht da solte gehalten werden. Aber
wiewol er das sagt/ auch der Kaiser hefftig dawidder
war/ darn es doch darzu/ das mit er aufften vnd verfälsch-
ten sinne im rath der mehrer teil der veter ghe. B. 30ge.
Der schwiboge hat auch sein vberschift/ mit diesen wortē
Wanlo dem dritten Babst des an-
mens/ der Concilien/ vnd des gemeinen fridens
fürst/ haben dreyßig Babste dis zu ehren auffgericht.
Mitt

WItem auff demselbigen platz/ da war eine seil an
gangen Adamant gemacht/ da hab ich mich nicht
gnug können verwundern/ wie ich alle verfolgung vnd
blutige krieg der heiligen/ so klar darin gesehe. Denn/ das
man het müssen sagen/ es were nicht allein gemälet/ sondern
es gesehe warlich mit der that/ was darin gesehe ward.
Es war aber ein ganz neue art/ die sonst nicht ge
bräuchlich ist/ zu kriegen/ der waren zweierley. Auff dem ei
nen teil/ stund ein hauffen zamer Scheflein/ mit wei
ssen kladem/ die hatten alle güldene kronen auff ihre haupt
ern/ mit wunderbarem glantz vnd schein. Bey demselbigen
hauffen/ stund ein Lamb/ das was ihr hauptman/ das
hatte sieben hörner/ vñ so viel augē. Auff der andern seiten
stunden reissende Wolffe/ waren zwar alle wolff/ aber
nicht all zu gleich bekleidet. den etliche hattē rouhe auß/
die andere Bischoffs inselen/ etliche Mönichskappen/
von mancherley farben/ vnd andere anders. Vnter dem
war einer höher denn die andren/ der hatte drey kronen
auff seinem haupt/ gleich in aller gestalt/ wie ein Papst
krone ist. Sie hattē auch alle mentel vmb/ etliche rot/ et
liche blau farb/ etliche schwarz/ etliche aschē farb/ vñ an
dere weis. Die strittē alle mit dem scheflin auff diese weis.
Das diese wolff/ den hauffen an allen orten anläuffen/ vñ
erwünscht ein jeder einschaff/ trügs dahin/ vnd fras es. Die
scheflein stunden forchtsam/ vnd theten nichts anders/
denn das sie etwan zusammen/ in ein hauffen sich stellet
etwa flohen/ huben ihre haupter vber sich in hünd/
schrien kleglich/ vnd sahen das lamb an.

Das Lamb aber hatte eine stange/ wie ein Ortz/ da
mit facht es/ etwa seuchten es die Wolffe/ etwa ließ es
ihnen nach/ bis sie in eine schwarze grube fielen/ die nicht
fern dauon war. In dem andern theil war ein streit/ auff
diese weis. Nicht fern von damen hielt ein grosser hauf
fen gewapneter/ waren gleich wie die/ von denen ich

das gesagt die mit Petro, Alloysio gezogen sind / deren
aller Oberster war Paulus der dritte. Vnter diesen hatten
etliche bloßschwerter / etliche brennende Fackeln/etliche
ungen erindgeschir voller giffes. Die mit den blossen
schwertern / fñret ein Cardinal/des Babsts Legat/war
noch fast jung/aber vbermütig vnd Ehrgeizig/auff des
selben Kladers stund also geschrieben.

Ich will geße/hnd ein solche schlacht
volbringen / das mein Ross in der Luther-
schen Blut schwimmen soll.

Die hatten die welt zwischen zweien schlüsslen in ih-
rem panier stehen. Widder die fochten/nackete vñ vn-
gewapnet laut/etliche hatten nicht mehr denn in der einen
hand eine Feder/in der andern ein Buch/damit empfi-
ngen sie der Feinde streich/etliche huben ihre hnd auff ge-
gen den Berg/als ob sie zu Gott beteten. Dann dieser
panier stund an einem berge/auff welchem ein gros auff-
gerichtet Cruz stund/welches vbertail bis in Hmel reis-
et / vnd hieng ans selbigen Christus Ihesus der Son
Gottes/vnd stund ein Titel vber seinem haupt geschrieben/
der lautet also.

Dies ist der sieg/ damit man die welt
vberwind/ vnser glaub.

Die erhub sich ein schwerer streit/vñ eine seltsame weise
zu siegen. Da sahe man wie etliche von den Christen
gefangen wurden vnd in Kerker gelegt/etlichen ward mit
pfeiff vergehen/etliche stunden vnd lobten Got/vnd Chri-
stum seinen ion/ andere warff man gebunden in die wa-
sser/andere wurden auff's Meer verkauft/ oder sonst
martirt vnd verjagt. Von welchen dingen die feind
selbs

selbs erschrocken vnd grisgrammeten/bissen ihnen selbs die zungen ab/vnd raufften ihr har aus. Das vnd noch viel mer/war alles in der gegossene seul/dz ich nicht alles erzielen kan.Denn da hab ich etliche kent/die des Bapsts diener/vnd vollstrecker solcher grausamheit waren/ daran an teil gestorben sind/ etliche aber noch leben/welche/woll ich sie nennen solt/würde sich die ganze welt darob verwundern/doch sind etliche durch ihr selbs eigene sünd vnd laster/so offenbar/das nicht not ist/sie zu nennen.Der andern geschweig ich/das man nicht gedechte/es geschehe mehr ihnen zu leid/denn aus Christlicher liebe. Ich hette aber schier vergessen/was an dieser seil geschrieben stund/also.

Paulo dem dritten / Haben von

wegen seines sonderlichen hasses widder Christum und alle Christen,auch seiner glückseligen thaten,die er wider sie gefurt, der ihm kundschafft geben, Türn, Schiff, Wasser,alchen,ucriagung ins elend,schlachten und andere uerherung in Italia,Franckreich,Hispania Engelland, und Deudischem land,der gestalt, das er des Antriechts namen billich tragen mag,die Keiser, König und andere Fürsten,darzu die Bebst,Cardinel, Bischoff, und andere gewaltigen des Römischen stuels,auch alle gefalben,die hie sind,dieses sigzeichen,aus einem lautern Adamant zu ewiger gedechtnis,lassen weihen.

Inn dem wie ich mich also verwundert / vnd verwürzt war/an den grossen dingen/die ich sahe vnd las/da vermanet mich mein Engel/das ich solt auff die stette des Platz sehen/da des Plutonis hoff war.Vnd siehe da sahe ich vnza'barlich viel diener/da etliche/tisch/stül/vnd bench trugen / etliche tischtücher vnd zwelen/andere schüsseln vnd trinckgeschir/die andern messer vnd andere. Vnd gleich von stund an waren tisch vnd stül bereit/auff

auff dem ganzen platz / vnter denen war einer höher/
höflicher vnd fleissiger/denn die andern zubereitet / der
stand auff ein wolff/vñ auff ein Trachen.Da sagt man
die hure / vnsern heiligen vater den Babst auff/der hatte
das gülden trinckgeschir in beiden henden. Darinn war
dieser huren monatlicher vnflat/vnd aller Teuflicher sa-
men/den man finden möchte.Zu diesem giengen mit ge-
wigtem leib/die König dieser erden/welchen sie/nach dem
sie ihr die füs geküßet hatten/von diesem tranck/zu trinck-
en gab.Vnd als sie getruncken/haben sie sich alle mit ihr
vermischt.

Nach dem aber das alles geschehen war / traten
hinzu des Plutonis diener/vnd namen die hure von Babi-
lon/das ist den Babst/vñ fürten ihn zu der fleischbanck/
vnd hie(grawsam ist es zuglagen)hieben sie ihn zu stück-
en/vnd trugens vber Tisch/das die König davon essen.
Vnd als sie das fleisch gegessen/ist sie ein grosser vnwill-
en ankommen / vnd haben das rohe fleisch vnd stinckend
tranck widder gespeiet. Da geschach ein wunderding/
denn das fleisch thet sich alles widder zusammen/vnd
ward widderumb ein Babst draus. Nach dem sind sie
all vom Tisch auffgestanden/als ihnen der Dracolyus
ein zeichen gab. Vnd man hat die hure mit all ihren bu-
len vnd der ganzen schar/für die Stat hinaus gefurt/zu
einem See/der brante mit schwebel vnd pech. Da winket
mir mein Engel/das wir nachfolgeten/vnd sehen das end
dieser Tragedi.

Vnd als wir dahin kamen/da warff mann die hu-
re mit ihren bulen/lieblosen/buben/vnd die ganzen men-
ge/mit einander in den See/da müßten sie gepäniget wer-
den/immer vnd Ewig.Dis ist Pauli des Babsts end ge-
weist/das ist der Theil seines kelchs/ vnd aller Gottlosen/
den ihnen Gott eingeschenckt hat.

Auff solche / wolt es meinem Engel nicht ge-
fallen

fallen/das wir widder in die statt Ditis keren soltz. Sondern er füret mich vber einen hohen Berg/vnd verbot mir/das ich nicht hinder sich sehen solt/oder still stehen. Denn wo ich dasselbig thete/so wolt er keine schuld haben an dem/das mir begegnet/er köndte mir auch nicht helfen.

Joh solte gedencen an die hausfrau Lothe / was ihr begegnet/da sie dem Engel nicht volget / als sie von der grausamen brunst Sodome/auff ein berg gehen solte.

Wolan ich war ihm gehorsam/gieng mit ihm den Berg auff/vnd wendet meine augen nicht vmb/sahe allein auff ihn/vnd gieng ihm nach.

Also kamen wir auff denselbigen pfad/an die strasse/so gegen der Welt widder hinauff gehet.

Vnd sihe da gieng einer aus den Dienern Plutonis vor vns/der füret das sieben heuptig Thier/darauff Paulus geritten war.Das trug auff seinem rücken/das groe trincckgeschir/das war eben vol des gewels vnd vnrungkeit/bauon die Könige zumor getruncken hatten.

Da fraget ich meinen gleizman was daraus werden wolte.Da sagte er mir/Es sind die gaben vnd geschenck/so Pauli nach kommen / von Plutone geschickt werden.Das Thier/auff das er zuritt hab.Das trincckgeschir/das er mit denselbigen trancck/der Fürsten/vnd andere vöcker/gunst an sich ziehe/gleich wie andere Besten auch gethan haben. Ich hoffe aber / es werde diesen trancck nicht mehr so viel krafft haben/als etwa /da du welt nicht bessers wuste/weil die Besten den trancck Christi heimlich vnd verborgen hielten.Aber jetzt/so der wehrteil den heilwertigen vñ süssen trancck des Herrn ansehen zu schmecken/halte ich es werden wenig mehr zu dem hülfrischen trancck kommen.

Da sprach ich/Ja/mein trewer gleizman / ich bekenn das du war sagst. Denn nicht allein das gemein Volck oder etliche geleerten/sonder auch viel aus den Fürsten

sten/ vnd das noch mehr ist/ etliche Cardinel vñ Biſchoff/
haben diesen süſſen tranck Christi schon verſucht. Du
weiſt wol / wie Paulus der Babſt/ Gregorium vñ G.
Conſtantinum/ beide Cardinel/ vñ Ioan Baptiſtam Ver-
gerium den Biſchoff von Polen/ vmb der verſach willen/
mit gift hat Töden laſſen/ Vñ Petrus Paulus ſein
Bruder Biſchoff zu Juſtinopolitan/ eben vmb derſelbi-
gen verſach willen/ in groſſer gefahr geſtanden iſt. Den
aber Chriſtus gleich wie Paulum/ zu groſſem nutz ſeiner
Kirchen beruffen vñ bewaret hat/ den du wol ſieheſt/ wie
er in kurzer zeit ſo viel Gotesliger ſchriſt hat laſſen aus-
gehen/ Mich bedünckt warlich/ das er ſonderlich dar-
vmb vom Herrn erweckt ſey/ das er ein Lehrer vñ Lieche
war vnſers Vaterlands Italie. Es ſind ihr auch noch
viel mehr/ der ich jzt mit fleiſch ſchwige.

Da ſprach mein Engel/ Es iſt wie du ſagſt. Aber/
ſiehe wir ſind ſchon jzt bey der Stat Rom. Sprach ich/
Ich ſehe es wol/ Ich ſehne mich aber jzt ihr. Denn es
iſt nicht mehr Rom/ ſonder das rechte Babilon/ vñ ein
ſchandfleck der Chriſtlichen welt. Da ſagt er zu mir/ Hab
kein zweiffel mein P. Aſquille/ es ſol dieſer vnrat in kur-
zem abgethan werden / vñ das Römisch Papſthumb/
das haupt alles vñs hingenomen werden. Wenn das ge-
ſchicht/ ſo wird nicht allein Rom/ ſonder ganz Italia/
auff ihre alte würde vñ herligkeit widder komen/ vñ die
Kirche Chriſti widder grünen. Dieweil ich dich aber nun
geſund widder heim gebracht/ ſo will ich mit erlaubnes
von dirſcheiden. Vñ mein Publi/ fare du fort in deinem
befohlenen ampt/ vñ vermane alle Fürſtē erwillich/ das ſie
ſich hütē/ vor dem ſchädlichē tranck dieſer hurē/ auch vor
ihrem geſang vñ liebkoſen/ wollen ſie anders ſich ſelbs/
vñ ihr Schiff / das ihnen zu regieren befohlen iſt/ an
das ufer des heils widder bringen. Vñ/ wie er das ge-
ſagt/ ſchied er von mir.

D iß


Die

Du hab ich dir mein liebster Flori in einer eil wollen
 zuschreiben / das du die warheit aller ding / wie es
 gangen ist vnd noch gehet / von mir vernemest. Jarnesius
 der Cardinal hat die Burg S. Angeli eingenomen / also
 bald sein grossvater gestorben ist. Das Collegium der
 Cardinel / rüffet sich ein neuen Babst zuerwelen / da ist ein
 grosser zulauff / daret die darumb werben. Die Fürsten
 schlaffen auch nicht / denn es wart ein jeder seiner schanz.
 Ich fürcht / es solten wol drey Bbst eins mals erwelt
 werden / es sey denn sach / das etwa ein gewaltiger Fürst /
 das mehrer teil stimmen auff seiner seiten erkauffe. Wo
 das geschicht / so wirt das grawsam Thier bald zu schei-
 tern gehen. Denn ye vngeschickter / vnd widderwertiger die
 sachen zugehen / je neher das heil / vnd grössere hoffnung
 der Christlichen gemein sein wird. Sie zwischen aber / die
 weil sie miteinander also zancfen vnd hadern / so wollen
 wir der freyen zeit / vns von Gott vergünt auch gebrauch-
 en. Mich bedünckt du möchtest jzt wol widder gen
 Rom komen. Denn das darff ich wol reden / das mir in
 der grossen freud / der ganzen statt / ja schier der ganzen
 Welt / von wege des absterbens Pauli des Babsts / nichts
 gemangelt hat / denn du allein. Hülffe mir Gott wid-
 der zu dir / ich wolte dich nicht mehr von mir
 lassen. Vnd es sey denn sach / das ich dessen
 ergetzt werde / das ich dein bisher hab
 mangeln müssen / so will ich wol sa-
 gen / Ich sey deiner freundlichkeit
 nicht wert gewesen. Gott sey
 mit dir.

Geben zu Rom / am xj. tag Nouemb.
 Anno/etc. M. D. XLIX.

IMPRESSVM EX ALIO IAM ALIBI IMPRESSO
 exemplari, quod erat uersum ex latino Pla-
 centiz excuso.

vollen
wie es
nefius
7/ als
der
st ein
ersten
ang.
wels
ürst/
Wo
chei
r die
ung
die
llen
ch
ger
in
zen
ots
,



Ein Brieff an den Car

dinal / Ertzbischoff zu Meintz /

unter dem Reichstag zu Augsburg /

Anno. M. D. X X X.

Geschrieben / durch

D. Mart. Luther.

Mit einer kurtzen Auslegung des
andern Psalms.

In dieser zeit nützlich zu lesen.

Witteberg.

Gedruckt durch Hans Lufft.

1546.

21

Die Kunst der Schreibung

von Johann Heinrich Zedler

in der ersten Auflage

1744

Leipzig

Verlag des Verlegers

in der ersten Auflage

1744

Leipzig

Verlag des Verlegers

in der ersten Auflage

1744

Dem Hochwürdigsten

in Gott Vater / Durchleuchtigsten
Hochgebornen Fürsten vnd Herrn / Herrn Albert/
Ertz. Chrysogoni Cardinalpriester / Erzbischoff zu
Mainz vnd Magdeburg / Primaten in Germani-
en / vnd Administrator zu Halberstat etc.

Marggrauen zu Brandenburg etc.

meinemgnedigsten

Herrn.



Nad vnd friede in Christo
Ihesu vnserm Herrn. Hochwür-
digster Durchleuchtigster Hochge-
borner Fürst / gnedigster Herr / Ich
hette wol lieber heimlich vnd mit
meiner Handschrift diesen brieff an E. K. F. G.
geschrieben / So besorget ich mich / dieser schwin-
den zeit / das er möcht etwa verrückt außkomen /
vnd mir als denn sonst vnd so gedeutet werden /
vnd vielleicht E. K. F. G. selbs auch damit in ver-
dacht füren. Darumb hab ich den selbigen frey öff-
entlichen durch den Druck ans liecht wöllen ge-
ben / den gifftigen argwenigen Deutern / damit vr-
sachen ires deutens zu verkomen. Bitte vnterthe-
niglich E. K. F. G. wolten mir solch Schreiben
gnediglich zu gut halten.

A ij

Denn

Denn die weil E. K. F. G. der furnemest vnd
höhest Prelat in Deudschenlanden ist/derhalben in
diesen sachen mehr thun mügen denn sonst je-
mand/ Hab ich mich lassen meine gedancken vber
mügen E. K. F. G. in sonderheit vnterthemiglich
mit dieser Schrifft zu ersuchen / auff das ich ja ab-
lenthalben reichlich das meine thue/ vnd mein Ge-
wissen gegen Gott vnd der welt beware/ ob viel-
cht ein vnglück vnd Gottes zorn folgen würde
(als ich warlich vbel fürchte) ich hiemit entschuldi-
get sey/ als der ich auff alle wege habe frieden helf-
fen suchen vnd angeboten.

E. K. F. G. haben der Vnsern vbergeben Beken-
nis vnd Lere/ on zweuel / sampt allen andern
vernomen/ Vnd versihe mich ganz tröstlich/ sie sey
der gestalt surgetretten/ das sie mit frölichem mu-
de sagen thar / mit Christo irem HErrn/ Hab ich
vbel geredt/ so beweise es/ das es böse sey/ Hab ich
aber recht geredt / was schlegstu mich? Sie
schewet das liecht nicht / vnd weis zu singen aus
Psalm cix. Ich rede von deinen zeugnissen für
den Königen/ vnd scheme mich nicht. Denn was
die warheit thut/ der kömpt ans liecht/ das seine
werck offenbar werden / denn sie sind in Gott ge-
than.

Da gegen kan ich wol achten / das vnser Ge-
gentheil solche lere nicht annemen werde / viel wo-
niger die selbigen zu verlegen sich vnterstehen.
Habe

habe auch des gar kein hoffnung/das wir der lere
solt ein werden/denn jr ding kan das liecht nicht
solten. Vnd sind zu dem so durchbittert vnd ent-
brand/das sie lieber in der hellen ewige glut führen/
wenn sie gleich da fur jnen offen stünde/ehe denn
sie vns wichen/vnd jre weisheit lassen solten. Das
müssen wir so lassen gehen vnd geschehen. Wir
sind an jrem blut vnschuldig.

Aber die gedanken habe ich/darumb ich auch
an E. K. F. G. schreibe/weil vnser Widerteil/ nicht
kan vnser lere taddeln/vnd wir mit dieser Bekent-
nis klarlich bezeugen vnd beweisen / das wir nicht
vrecht noch falsch geleret / Vnd derhalben auch
nicht verdienet haben / das man vns so schendlich
verdammnen/so greulich verfolgen solt/wie bisher
vnd noch/ geschehen. Ob doch so viel zu erlangen
were/das vnser Widerteil doch friede hielte / vnd
nicht so leert vnd tödtet die vnschuldigen/ vmb
dieser vnstrefflichen lere willen/die sie selbs müssen
loben/zum aller wenigsten/damit/das sie dagegen
estimmen / vnd nichts haben da wider zu reden.
Denn das sie von vns nicht wollen geleret sein/
noch vnser lere annemen/müssen wir lassen gesche-
hen/ Wir zwingen niemand / auch zur warheit
nicht/wie sie doch zwingen zur lügen.

H Je bitte ich nu auffs vnterthenigst / weil kein
hoffnung da ist/das wir (wie gesagt ist) der Le-
re eins werde/E. K. F. G. woltē sampt andern da
A iij hin

hin arbeiten/das jenes Teil friede halte/vnd glaube was es wölle/vnd lasse vns auch glauben/die warheit/die jzt fur iren augen bekind/vnd vntedelich erfunden ist. Man weis ja wol/das man niemant sol noch kan zum glauben zwingen/sich auch weder ins Keisers noch Papssts gewalt. Denn auch Gott selbs/der vber alle gewalt ist/hat noch nie keinen Menschen/mit gewalt zum glauben wollen dringen. Was vnterstehen sich denn solchs/sein elenden armen Creaturn/nicht allein zum glauben/sondern auch zu dem/das sie selbs fur falsch lügen halten müssen/zuzwingen:

Wo aber solcher Friede nicht zu erlangen ist/wolan/so haben wir das vorteil bey Gott/vnd den gelimpff bey aller welt/das wir vnser Lere öffentlich bekant/Friede gesucht vnd angeboten haben/vnd doch nicht erlangen mügen/so man doch vns in der Lere nicht schuldig noch strefflich erfinden hat. Was Gott vnd vnser Nachkomen hier sagen werden/das wird man wol erfahren. Vnd müssen vns trösten des Exempels der lieben Apostel/Da auch die Hohenpriester vnd Fürsten in volck Israel(wie Lucas sagt Act. v.) nichts konnten wider der Apostel that vnd wort auffbringen/hatten auch nichts das sie da wider reden konnten. Noch hielten sie nicht friede/Sondern vber das/das sie die warheit nicht annamen/damit sie vberzeugt vnd vberwunden waren/steuerten vns verfolgeten sie die Apostel noch dazu.

Ja wie iſts jnen auch zu letzt drüber gegangen?
Wo ſind ſie nu? Wo iſt Jeruſalem? Es ſtund zwar
auff vnter jnen Gamaliel / vnd gab jnen auch ſolch
ein Rat / das ſie ſolten frieð halten / vnd die Apoſtel
laſſen machen / wenn ſie es ja nicht wolten an-
nehmen. Aber es halff nicht. Wolt Gott E. K. F. G.
hülffte / oder wer es were / izt auch ein Gamaliel
ſein / der ſolchen Rat des frieðes den andern für-
ſchläge / vnd ſie beredte / ob vielleicht Gott gnade
verlaſſen wolte / das ſie von irem toben ablieſſen /
vnd nicht ſo halsſtarrig / wider ir gewiſſen vnd
wider Gott ſtritte. Es iſt ja der beſte Rat / den man
in dieſer ſachen haben kan / Vnd Lucas ſolch Ex-
empel nicht vmb ſonſt ſo vleißig hat wöllen ſchrei-
ben. So iſts ja gewiſlich eine ſünde in den heiligen
Geiſt / die erkandte warheit anfechten. Vnd zwar
wir hetten ſonſt ſunde genug / dürfften nicht noch
dazu die ſünde in den heiligen Geiſt auch auff
uns laden.

Aber das hören vnd achten ſie nicht / Sie wöl-
len ſaren / da die Jüden hingefaren ſind. Doch ob
vielleicht etliche zu erretten weren / das ſie nicht mit
jnen führen / Sondern den trewen rat Gamalielis
annehmen vnd ſolgeten / ſo theten E. K. F. G. hie
mit nicht ein geringen Gottesdienſt. Lieber Gott /
ſchadet doch ſolche Lere euch nicht / helt ſie doch
frieð vnd leret frieð / leſt euch bleiben was ir ſeid /
leret auch / das man euch alles laſſen vnd nichts
nemen

nemē solle. Das solt doch alleine gnugsam sein zu
frieде zu bewegen / obs sonst die warheit an je selb
nicht thete / Ja / sie hilfft warlich euch alle erhalten
vnd hats bis her gethan. Sol sie denn ja singen
Qui retribuēbant mihi mala pro bonis / aduersus
tur mihi / so ist's nicht fein / vnd euch allen nicht gut
das sie es von euch Geistlichen singen / vnd vber
euch klagen mus.

Wil aber weder friede / noch einigkeit folgen
weder Gamalielis rat / noch der Apostel vnd
der Jüden exempel helfen / so las faren / was nicht
bleibē wil / vnd zornewers nicht lassen wil. Er wird
zorns vnd vnfriedes / darnach er ringet / vber
gnug finden. Wir wollen die weil mit den lieben
Aposteln vnd Jüngern singen (das werden sie vns
ja nicht weren / das weis ich wol.)



Arümb toben die Heiden / vnd die Leute
reden so vergeblich.

Die Könige im Lande lehnen sich
auff / vnd die Herrn ratschlahen miteinander
ander / Wider den **HERRN** vnd sei
nen Gesalbten. Vnd sprechen.

Last vns zureissen ire bande / Vnd von vns was
fen ire seile.

Wie Könige vnd Fürsten jzt wider den
HERRN vnd seine erkandte warheit toben / vnd
seine bande wollen zureissen / von im vngesangen
vnd

vnd ungelert sein / das sehet jr alle selbs. Aber das
sich toben vergeblich sey / sol man nicht jzt / son-
dern mit der zeit sehen. Denn es folget hernach.

Aber der im Himmel wonet lachet jr / Vnd der
HERR spottet jr.

ER wird cinest mit inen reden in seinem Zorn/
Vnd in seinem Grim wird er sie schrecken.

Solchs sihet vnd gleybet man auch nicht/
man wilß aber füllen/das sol auch geschehen. So
wird sichs denn sehen lassen/wie vergeblich jr tobē
seygewest/Wie fein sie die bande des HERRN zu
reissen/vnd sein Wort vnterdruckt habē. Vns aber/
die wir solchs gleyben / vnd gewis wissen das ge-
schehen mus / ißts dieweil tröstlich vnd lieblich.
Denn wenn Könige vnd Fürsten lang toben vnd
tichten/reissen vnd werffen/So werden sie vnsern
König sitzen lassen / wie folget.

Aber ich habe meinen König eingesetzt / Auff
meinen heiligen berg Zion.

Ich wil von einer solchen Weise predigen/Das
der HERR zu mir gesagt hat / Du bist mein Son/
heute hab ich dich gezeuget.

Als nu hie Könige toben/Bapst wüthen/Für-
sten reissen / Heiden werffen / Da sitzt der König
vnd iß Son zu hause/liebē zornigen Juncckern/last
in doch noch ein weil sitzen. Wenn jr vns nicht wöl-
let Frieden lassen / so bitte ich vmb Gottes willen/
wöllet doch diesen König sitzen lassen/ vnd nicht
B so bald

so bald herunter reissen / als jr gedenckt / Oder mus
er ja herunter / Lieber / so schickt jm doch zuvor ei
nen Vhedbrieff / das er ewern gransamen zorn vnd
drewen ersare ! vielleicht wird er sich rüsten mit
schütt vnd bollwerg / das er für euch bleibe / auff
wenigst so lange / bis dieser Reichstag fur vber sey /
oder ewer zorn vnd vngnade sich lege.

ES wil auch dieser vnser König ein Pfaff
oder Priester sein / gibt predigen fur / von einer neu
en Weise / nemlich / das er Gottes son sey / vnd sol
chs solle man glauben. Aber wenn ich als die Köni
ge vnd Fürsten were / so wolten wir jm das predi
gen verbieten / das er vns nicht aus vnser gewete
setzet / vnd mit seiner weise / vnser eigen lere vnd
te gewonheit zu nicht machet. Hui an in flugs / heist
in schweigen / als einen Keger. Aberschet sonst mit
zu / das jr euch an einem Priester nicht vergrafft
vnd das Si suadente / gebe euch den donner vnd
blich / Denn es ist ein grosser Bischoff / der in gewei
het vnd zu predigen befolhen hat / der heisset
HEXX / vnd hat jm ein Format gegeben / das
heist / *Noli me tangere* / vnd laut also.

Heische von mir / so wil ich dir die Heiden zum
Erbe geben / Vnd der welt ende zum Eigenthumb.

Du solt sie mit einem eisern Scepter zuschlagen
Wie töpffe soltu sie zuschmeissen.

Wer hat sein lebelang je ein grössere lügen ge
höret: Die Heiden sind der zornigen Könige erbe
vnd

und die Welt der grimmigen Fürsten eigenthumb.
Das siehet man je wol / das sie es da mit machen/
wie sie wollen / als mit dem iren. Alle ire gedanken
und anschlege / sonderlich wider diesen König
vnd Priester / gehen so fein für sich / als hetten sie
von Krebsen gehen gelernt / oder wolten die Krebs
gehen leren / das freilich dieser König / nicht einen
strecken zu eigen hat in aller welt. Aber schimpff les
gedich / Höre was folget.

SO lasse euch nu weisen jr Könige / Vnd lasse
auch züchtigen jr Richter auff Erden.

SO sol man König vnd Fürsten anreden/
Was wil das werden? Es ist nie auff Erden solch
schändlich lesterlich ding geredt. Sollen Könige
sich weisen lassen vnd leren? Meinstu denn das sie
Narren sind? Sollen Richter sich lassen züchtigen?
Meinstu denn / das es Kinder in der schulen sind?
Ey Könige sind zuvor klug / haben gesetze / Lando
recht / Juristen vnd Räte / wissen wol was sie thun
sollen. Die Richter auch also / haben auch recht / sit
ten / weise vnd maß / brauch vnd gewonheit / wiss
sen wol was sie richten / vrteilen vnd halten sollen.
Dieser Psalm ist gewislich ein Kezer / schmehet die
Könige / lestert die Richter / vnd handelt als ein
Aufrührer wider die Oberkeit / vnd alle ire rechte
vnd gewonheit / wil sie aus der alten gewehr treib
ben. Da zu spricht sie verechlich an / Ir Könige / jr
Richter / gleich wie ein Herr seine knecht / Du Hans /

du Peter/als halt er sie gar für nichts / vnd waren
ganz sein eigen / wie ein kne oder gans.

Ja lieber Geselle/er bekennet/das Könige vnd
Richter/wol vernunfft / rechte vnd weisheit ha-
ben/denn es kan kein König noch Richter sein/der
nicht recht vnd gesetz im Lande habe/Aber er wies-
set sie mit diesem Vers alle vnter diesen König/
sampt iren rechten/sitten/vernunfft / vnd was sie
haben an weisheit vnd gewalt/vnd spricht/Es
sey nicht gnug an dem das sie haben / Es sey wie
schon recht oder sitten / es wölle / Sie sollen ge-
gen diesem König vnd Priester/Narren vnd kind-
er werden/ im zuhören vnd sich lernen lassen/sein
Wort für Meister halten / vber alles gehen vnd
herrschen lassen. Weil denn der Papst / so wol als
der Keiser vnd König/ auch nicht vber diesen Kö-
nig sind / sondern vnter den Richtern auff erden
bleiben müssen/so sol sein Decret vnd sein Lere/auch
Narr vnd kind sein/gegen dieses Königs wort vnd
Lere/ vnd sol nicht drüber richten/sondern sich da-
durch richten vnd lernen lassen.

Aber jzt zu Augsburg/werden sie diesen Vers
wol anders meistern vnd mustern/das er mus also
lauten / Vnd du König zu Zion las dich weisen/
du Richter im Himmel las dich züchtigen/Denn du
bist ein Narr vnd kind gegen vns. Wir müssen ver-
ten vnd setzen/was du für warheit solt halten ode-
nicht. Was wir nicht setzen / richtē oder bestetigen/
da sey

insey die trotz geboten/das du es fur warheit hal-
bst/ Oder must herunter vnd mit den Ketzern
verbrand sein. So wirds gewislich diesem Kōni-
ge gehen/ Denn sie wōllen warlich der gewehr vn-
aufsetz sein/ das sie bis her vber Gottes wort mei-
ster vnd richter gewest sind. Was wil aber dieser
Kōnig dazu sagen / der auch in der gewehr sitzt/
vnd wil vngemeistert vnd vngerichtet sein/ Son-
dern allein meistern vnd richten : Da lassen sie in
fur sorgen/ das wird er auch thun/ wie folget.

O Senet dem **HEXEN** mit furcht/ Vnd frew-
auch mit zittern.

Kisset den Son/ auff das er nicht zürne/ vnd jr
vmbkomet auff dem wege/ Denn sein zorn wird bald
vntreimen. Aber wol Allen die auff in trawen.

Da stehets/ Wer Christus wort nicht hören/
sondern meistern wil / der sol im zorn vmbkomen/
vnd dasselbig gar bald/ Er wil nicht seumen. Man
sol im dienen/ vnd nicht sein Wort vnserm kopff zu
dienen zwingen/ man sol in küssen vnd hulden/ vnd
nicht Christum oder sein Wort vnserm dūckel
vnterwerffen / Er wils nicht leiden / das ist kurz
vnd gut.

Solchs wil ich **E. R. F. G.** vntertheniglich angezei-
get haben/ ob Gott wōlt gnade verleihen/ durch
wer etlichen vleys vnd arbeit / das der Zesterung
weniger würde/ Wo nicht/ das doch friede gestift
würde. Denn das der Papst sich rühmet mit den
B in seinen

feinen / in einer Zedel so gedruckt ist / der Keiser von
de jm alles wider restituieren vnd ergenzen / Das
wird jm feilen / das weis ich wol / Denn was man
das anders / denn das wir solten alles widerrufen
sen / was wir je geleret haben / auch diese jetzige
vberantwortte Bekenntnis / die jr selbs müßtet
recht halten. Vnd dagegen alle vorige lügen pos-
sen / der jr selbs alle viel bekennet / Vnd alle das
vnschuldig blut / das von ewerm teil vergossen
ist / auff vns laden.

Ja lieber Bapst vnd Papisten / gebt vns vor
wider / Lenhart Keiser / vnd alle die jr vnschuldig-
lich erwürget habt / alle seelen / die jr mit lügen ver-
füret habt / alles gelt vnd gut das jr mit beschei-
seren gerarbet habt / alle die ehre die jr Gott miß-
lesten / gestolen habt / So wollen wir von der Re-
stitution handeln. Es sol in eine Historia geschrie-
ben werden / das der Bapst vnd seine Papisten
solch lesterlich ding thar vnuerschampt vnd öffent-
lich begeren / als weren eitel Klörge in Deudschem
lande / vnd auff dem Reichstage eitel affen / daz
alle Fürsten die es mit treiben / das sie bey vnsern
Nachkommen ein ewiger stanck sein solten / daz
man speien vnd göcken müße.

Aber der Teuffel sucht damit ein anders /
Wolt Gott das vnser Herrn alle wol drauff acht-
hetten. Wir Deudschen hören nicht auff / dem
Bapst vnd seinen Walen zu glauben / bis sie vns
bringen

bringen nicht in ein Schweisbad / sondern in ein
Blutbad. Wenn Deudsche Fürsten in ein ander
siden / das möcht den Papst / das Florentzisch
schicklin / frölich machen / das er in die faust lach-
en künde / vnd sagen / Da jr Deudschen bestiet /
woltet mich nicht zum Papst haben / so habt das.
O groffe liebe vnd trewe hat er zum Keiser / wie
asambereiset fur Pauia / da er wider den Keiser
zoch. Deudschland hat er noch lieber / das er den
Keiser aus Hispanien foddert (denn wer künde
solche Praticke mercken ?) vnd darnach on beisein
der Deudschen Fürsten / krönet / nach laut der
Bullen.

Ich bin kein Prophet / aber ich bitte euch
herrn alle / sehet euch wol fur / vnd laßt euch ja
nicht täncken / das jr mit Menschen handelt /
wenn jr mit dem Papst vnd den seinen handelt /
sondern mit eitel Teuffeln / Denn es sind auch
eitel Teuffels tücke da hinden / das weis ich / Gott
der allmechtige helffe euch / das zum frieden alles
gerate / **A M E N.**

Hiermit wil ich E. K. F. G. in Gottes gna-
den befohlen haben / Vnd was ich mit beten
kan / gar trewlich dienen. Vnd E. K. F. G. wolte
mir solchs schreiben gnediglich zu gut halten.
Ich kans ja nicht lassen / ich mus auch sorgen
fur das arme / elende / verlassen / veracht / ver-
raten vnd verkaufft Deudschland / dem ich ja
kein

kein arges / sondern alles gutes gönne / als
schuldig bin / meinem lieben Vaterlande. Er
mo. feria. iiii. post Visitationis / An. M. D. X.

E. K. F. G.

Unterthener
Martins